

ردود

درست في الدنيا على الظروف أربع مواد
القراة والاصحاب والحب والوقت الردي

الحب يعطى للغريب بلاد لو ما هي بلاد
والعاشق اللي ما طغى عقله على القلب يغدي

والصاحب اللي بينك وبينه ملح و زاد
أوفي معه لكن لا تضمنه وتروح فدي

أما القريب أعطه حقوقه واخذ خط الابتعاد
خلك بعيد تصير في عينه مثل نجم الجدي

والوقت لا تعطيه وقت يلبس أيامك سواد
عش يومك وخل أمس مات وخل باكر يبتدي

ياخوك الدنيا سلف ودين
وقالوما بالمثل دقة بدقة

لا تعرض للناس الأعراض بشين
بيترد لك خيروالاشين وتحمل الطقة

رد التحية بالمثل وغناك طيرشادي
يابن الحلال محبة خاصة لك

راعي مواجيب ووفاء وبيض الأيادي
أعذب تحياتك من أرض الحرم خاصة بك

ياغيظهم من حبي عليك يحسدوني
يا سعدي بك بعد ما علا الشان

خلهم بحالهم لا يهموك ويهموني
دام الأساس راسخ وشامخ البنيان

لك أعذر لو سقوني علقم وويل
ودرب الممالك أسلكها لو فيها مماتي

وعجز الطب فيني والألم ما قدر يشيل
يبقى العهد ولزوم الوفا لآخر حياتي

أحيان نغامر ونواجه الطوفان
وقليل من يسلم من الغرق

والمشاعر ما يملكها كل إنسان
رحمت ولا جيت ما تفرق

غامرت ووهبت قلب حيران
للي تسلى وبابه طرق
